

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 19 » Օգոստոսի 2020թ.

N Վ-33/30

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ս. Գրիգորյանի կողմից 22.11.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Գագիկ Թելմանի Պետրոսյանի կողմից սեփականության իրավունքով իրեն պատկանող Սիլիկյան թաղամաս, Փիրույան 2-րդ հատվածի հ. 25/1 հասցեում ինքնակամ իրականացվել է պարսպի քանդման և դարպասի տեղադրման շինարարական աշխատանքներ, որի վերաբերյալ 22.11.2019 թվականին կազմվել է վարչական իրավախախտման վերաբերյալ թիվ 032613 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գագիկ Թելմանի Պետրոսյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Գագիկ Թելմանի Պետրոսյանին Երևանի քաղաքապետարանում՝ կայանալիք նիստերի վերաբերյալ ծանուցելու համար, սակայն ծանուցադրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի (հետայսու՝ Օրենք) 49-րդ հոդվածի 1-ին մասի «գ» կետով՝ 22.11.2019 թվականին քաղաքացի Գագիկ Պետրոսյանի նկատմամբ կազմված հ. 032613 արձանագրության հիման վրա հարուցված վարչական վարույթը 15.01.2020 թվականի վարչական իրավախախտման գործի վերաբերյալ հ. Վ-2/81 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գագիկ Թելմանի Պետրոսյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Գագիկ Թելմանի Պետրոսյանին Երևանի քաղաքապետարանում՝ կայանալիք նիստերի վերաբերյալ ծանուցելու համար, սակայն ծանուցադրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 11.03.2020 թվականի հ. Վ-10/46, 06.05.2020 թվականի հ. Վ-18/2, 01.07.2020 թվականի հ. Վ-26/28 որոշումներով քաղաքացի Գագիկ Թելմանի Պետրոսյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 11.03.2020 թվականի հ. Վ-10/47, 06.05.2020 թվականի հ. Վ-18/3, 01.07.2020 թվականի հ. Վ-26/29 որոշումներով կասեցվել է 22.11.2019 թվականին Գագիկ Պետրոսյանի նկատմամբ կազմված թիվ 032613 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Գագիկ Թելմանի Պետրոսյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Գագիկ Թելմանի Պետրոսյանին Երևանի քաղաքապետարանում 19.08.2020 թվականին կայանալիք նիստին ծանուցելու համար:

Փոստային ծառայության հանձման ընդունման հետադարձ թիվ AG023715399AM ծանուցագրի՝ գործի քննության անցկացման վերաբերյալ ծանուցումը հանձնվել է հասցեատիրոջը:

Հարուցված վարչական վարույթի շրջանակներում գործ քննությանը 19.08.2020 թվականին ներկայացավ և մասնակցեց քաղաքացի Գագիկ Թելմանի Պետրոսյանը:

Քաղաքացի Գագիկ Թելմանի Պետրոսյանը (անձնագիր RUS 75 9648258, տրված 26.11.2018 թվականին, 77210-ի կողմից) բացատրություն տվեց այն մասին, որ լուսանկարում պատկերվածն իր տարածքն է: Արձանագրությունը ստորագրված է իր կողմից: Բացակայել է հանրապետությունից: Գոյություն ունեցող պարսպի վրա բացվել է դարպասի բացվածք և տեղադրվել դարպասը: Չի ընդունում իրավախախտումը:

Քաղաքացի Գագիկ Թելմանի Պետրոսյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Գործի քննության ընթացքում՝ որպես մեկ համակցություն, հետազոտվեցին արձանագրությունը, անշարժ գույքի նկատմամբ իրավունքի պետական գրանցման վկայականի պատճենը, Երևանի քաղաքապետարանի աշխատակազմի հասարակական կարգի պահպանության ծառայության պետի 16.12.2019 թվականի հ. 51/44-116148, 11.02.2020 թվականի հ. 51/44-110148 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 10.01.2020 թվականի հ. 19/116148 գրությունը, Երևան քաղաքի Արաբկիր վարչական շրջանի ղեկավարի 18.05.2020 թվականի հ. 25/01-44522 գրությունը, ՀՀ ոստիկանության Երևան քաղաքի վարչության Արաբկիր բաժնի պետի 12.08.2020 թվականի հ. 1/16/33973-20 գրությունը և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Գագիկ Թելմանի Պետրոսյանի կողմից սեփականության իրավունքով իրեն պատկանող Միլիկյան թաղամաս, Փիրումյան 2-րդ հատվածի հ. 25/1 հասցեում ինքնակամ իրականացվել է պարսպի քանդման և դարպասի տեղադրման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

Քաղաքացի Գագիկ Թելմանի Պետրոսյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի 1-ին պարբերության համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կառուցելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

«Քաղաքաշինության մասին» օրենքի 6-րդ հոդվածի 4-րդ մասի «ա» կետի համաձայն՝ կառուցապատողները պարտավոր են կառուցապատումն իրականացնել օրենքով սահմանված կարգով՝ հաստատված ճարտարապետաշինարարական նախագծին համապատասխան, շինարարության թույլտվության հիման վրա:

Նույն օրենքի 23-րդ հոդվածի 1-ին մասի համաձայն՝ շինարարության թույլտվությունը փաստաթուղթ է, որը հաստատում է կառուցապատողի իրավունքը՝ իրականացնել որոշակի շինարարական գործունեություն ինչպես նոր կառուցապատվող կամ վերակառուցվող տարածքում, այնպես էլ գոյություն ունեցող շենքերում և շինություններում

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասի 2-րդ պարբերության, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Քաղաքացի Գագիկ Թելմանի Պետրոսյանի նկատմամբ 01.07.2020 թվականի հ. Վ-26/29 որոշմամբ կասեցված վարչական վարույթը վերսկսել:

2. Քաղաքացի Գագիկ Թելմանի Պետրոսյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

3. Նախագգուշացնել քաղաքացի Գագիկ Թելմանի Պետրոսյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝

ԱՐԱՄ ԱԲՈՎՅԱՆ